

**«ՄԱՐԶԵՐԻ, ՀԱՄԱՅՆՔՆԵՐԻ ԵՎ
ԿԱԶՄԱԿԵՐՊՈՒԹՅՈՒՆՆԵՐԻ ԱՂԵՏՆԵՐԻ ՌԻՍԿԻ
ԿԱՌԱՎԱՐՄԱՆ ՊԼԱՆՆԵՐԻ ԿԱՌՈՒՑՎԱԾՔԸ
ՍԱՀՄԱՆԵԼՈՒ ԵՎ ՄՇԱԿԵԼՈՒ ՄԱՍԻՆ»
ԿԱՌԱՎԱՐՈՒԹՅԱՆ ՈՐՈՇՄԱՆ ՆԱԽԱԳԻԾ**

Նախագիծ

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԿԱՌԱՎԱՐՈՒԹՅԱՆ

ՈՐՈՇՈՒՄ

----- 201 թվականի N - Ն

**ՄԱՐԶԵՐԻ, ՀԱՄԱՅՆՔՆԵՐԻ ԵՎ ԿԱԶՄԱԿԵՐՊՈՒԹՅՈՒՆՆԵՐԻ ԱՂԵՏՆԵՐԻ ՌԻՍԿԻ
ԿԱՌԱՎԱՐՄԱՆ ՊԼԱՆՆԵՐԻ ԿԱՌՈՒՑՎԱԾՔԸ ՍԱՀՄԱՆԵԼՈՒ ԵՎ ՄՇԱԿԵԼՈՒ ՄԱՍԻՆ**

Հիմք ընդունելով Հայաստանի Հանրապետության Սահմանադրության 146-րդ հոդվածի 4-րդ մասը՝ Հայաստանի Հանրապետության կառավարությունը **որոշում է.**

1. Բնական և տեխնածին աղետների ռիսկի նվազեցման, արտակարգ իրավիճակներում արագ և արդյունավետ արձագանքման և կառավարման գործընթացի անխզելիության և շարունակականության ապահովման նպատակով՝ սահմանել մարզերի, համայնքների և կազմակերպությունների աղետների ռիսկի կառավարման պլանների կառուցվածքը՝ համաձայն հավելվածի:

2. Արտակարգ իրավիճակների Նախարարին՝ սույն որոշումն ուժի մեջ մտնելուց հետո՝

- կազմել և հաստատել աղետների ռիսկի կառավարման պլաններ մշակող կազմակերպությունների ցանկը.
- մշակել և հաստատել մարզի, համայնքի, կազմակերպության, այդ թվում՝ կրթական հաստատությունների աղետների ռիսկի կառավարման պլանների օրինակելի ձևերը:

3. Մարզպետներին՝ մարզի աղետների ռիսկի կառավարման պլանի օրինակելի

ձևը ստանալուց հետո եռամսյա ժամկետում մշակել և հաստատել աղետների ռիսկի կառավարման պլանները՝ նախապես այն համաձայնեցնելով Արտակարգ իրավիճակների նախարարության հետ:

4. Առաջարկել համայնքների ղեկավարներին՝ համայնքի աղետների ռիսկի կառավարման պլանի օրինակելի ձևը ստանալուց հետո եռամսյա ժամկետում մշակել և հաստատել աղետների ռիսկի կառավարման պլանները՝ նախապես այն համաձայնեցնելով Արտակարգ իրավիճակների նախարարության Փրկարար ծառայության հետ:

5. Կազմակերպությունների ղեկավարներին (անկախ կազմակերպական-իրավական տեսակից)՝ կազմակերպության աղետների ռիսկի կառավարման պլանի օրինակելի ձևը ստանալուց հետո եռամսյա ժամկետում մշակել և հաստատել աղետների ռիսկի կառավարման պլանները՝ նախապես այն համաձայնեցնելով Արտակարգ իրավիճակների նախարարության Փրկարար ծառայության հետ:

6. Արտակարգ իրավիճակների, Կրթության և գիտության և Տարածքային կառավարման և զարգացման նախարարներին՝ 2 տարվա ընթացքում համատեղ կազմակերպել կրթական հաստատությունների (անկախ պատկանելիությունից ու սեփականության ձևից) կողմից աղետների ռիսկի կառավարման պլանների մշակումը:

7. Սույն որոշումն ուժի մեջ է մտնում պաշտոնական հրապարակման օրվան հաջորդող տասներորդ օրը:

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ՎԱՐՉԱՊԵՏ

Հավելված

Կառավարության 201__ թվականի

_____-ի ____-ի N____ - Ն որոշման

ՄԱՐԶԵՐԻ, ՀԱՄԱՅՆՔՆԵՐԻ ԵՎ ԿԱԶՄԱԿԵՐՊՈՒԹՅՈՒՆՆԵՐԻ ԱՂԵՏՆԵՐԻ ՌԻՍԿԻ ԿԱՌԱՎԱՐՄԱՆ ՊԼԱՆՆԵՐԻ ԿԱՌՈՒՑՎԱԾՔԸ

1. Աղետների ռիսկի կառավարման պլանն ունի թղթային և/կամ էլեկտրոնային ձև, որը բաղկացած է հետևյալ բաժիններից.

- Ընդհանուր նկարագիրը.
- Աղետների ռիսկի կառավարման համակարգը.

- Աղետների ռիսկի նվազեցում (Վտանգների, խոցելիության, բացասական հետևանքների, աղետների ռիսկի նվազեցմանն ուղղված միջոցառումների և կարողությունների նկարագրություն)։
- Արտակարգ իրավիճակներում գործողությունների կազմակերպումը և իրականացումը։
- Արտակարգ իրավիճակների հետևանքների վերացումը / բնականոն գործունեության ապահովումը։

2. Աղետների ռիսկի կառավարման պլանն ունի պլանից բխող հավելվածներ (քարտեզներ, աղետների ռիսկի նվազեցման միջոցառումների տարեկան պլան-ժամանակացույց, ազդարարման սխեմա, տարահանման պլան, ստանդարտ գործողությունների ընթացակարգերն ըստ բնորոշ աղետների և այլն)։

3. Սույն հավելվածի 1-ին կետով հաստատված աղետների ռիսկի կառավարման պլանի կառուցվածքին հավելյալ կարող են ավելանալ բացահայտման, գնահատման և աջակցող գործիքներ՝ հաշվի առնելով մարզերի, համայնքների և կազմակերպությունների առանձնահատկություններն աղետների ռիսկի կառավարման գործում։

4. Աղետների ռիսկի կառավարման պլանի էլեկտրոնային տարբերակը ներկայացվում է շահագրգիռ մարմիններին, իսկ թղթայինը՝ պահպանվում է մշակող կողմի մոտ։

5. Աղետների ռիսկի կառավարման պլանը ճշգրտվում է տարեկան պարբերականությամբ։